



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1100. Usque Ad Annum 1143

Fleury, Claude

August. Vind. [u.a.], 1762

VD18 90117999

§. 50. Gelasius Romæ.

[urn:nbn:de:hbz:466:1-66385](https://nbn-resolving.org/urn:nbn:de:hbz:466:1-66385)

ac inter alios Hermannus Episcopus Au-^{Sæcul. XII,}
 gustanus, & aliqui in Anglia recipiebant, ^{A.C. 1117.}
 & contra Gelasium Antipapam putabant.
 At Francia & maxima orbis Christiani
 pars Gelasium Pontificem legitimum ve-
 nerabatur.

§. L.

Gelasius Romæ.

Gelasius, ubi Imperatorem recessisse
 comperit, Romam clam ingressus, *Landulf.*
 in parva Ecclesia, quæ ad S. Mariam *se. n. 12.*
cundi cerei dicebatur, inter ædes Step-
 hani, Pandulphi Normanni, & Petri Lodro-
 nii, Pontificis Defensorum, posita, deli-
 tuit. In Festo S. Praxedis, vigesima pri-
 ma Julii, in ejusdem S. Virginis Ecclesia
 officium celebrare statuit, id suadente De-
 siderio Cardinale ad hunc Titulum ordi-
 nato, rejecto consilio plurium aliorum,
 prudenter monentium, hanc Ecclesiam
 intra arces & munimenta Frangipanum
 sitam esse. Necdum completa erant So-
 lemnia, cum adsunt Frangipanes, pedi-
 tum equitumque agmine stipati, Papam
 Clericosque lapidibus & saxis insectan-
 tur.

tio Archiepiscopo Bracarenfi, Clericis Romanis
 & Papa Paschale II. id recusantibus coronatus fue-
 rat, anno millesimo centesimo decimo septimo.
 Sup. Lib. LXVI. §. XLI.

Hist. Eccles. Tom. XVI.

B b

Sæcul. XII. tur. Stephanus Normannus & Crescentius
A.C. 1118. Cajetanus, fortia pectora, diu vim & impetum hostium cohibuerunt, etiamsi numero essent inferiores. Acriter decertatum per magnam diei partem fugit Gelasius, illacrymantibus feminis, cum conspicerent Pontificem Romanum, necdum toto deposito ornatu Sacerdotali, in fugam versum, equo verberibus incitato in cursum non sufficiente. Dum ejus Crucifer Dominum strenue consequitur, humo inæquali fallente equi vestigium, in terram effunditur, quem cum Cruce sua & equo superveniens pauper muliercula in tugurio suo usque ad sequentem noctem occultavit.

Interim adhucdum pugnabatur, cum Stephanus Normannus ad Frangipanes, *quo ruitis, inquit, Papam, quem quæritis, fuga abstulit, an nos quoque perditos vultis? Romani sumus & vestri consanguinei. Absistamus utrinque fatigati, satis scivitum est.* Hac voce diremptum est prælium. Papam vero amici lassum & gemebundum in arvis haud procul ab Ecclesia S. Pauli invenerunt. Altera die coeunt ad consultandum, & Papa omnium ultimus sententiam protulit in hunc modum: *Fratres mei, sequamur exemplum Patrum nostrorum, & impleamus præceptum Evangelii. Cum in civitate ista vivere non possimus, fugiamus in aliam.*

aliam. Fugiamus, inquam, hanc Sodo- Sæcul. XII.
nam! hanc Ægyptum! Ego coram Deo A.C. IIIIS.
& Ecclesia dico, malle me, si unquam fieri
possêt, unum quam tot Imperatores babe-
re. Unus saltem nequam perderet nequio-
res, donec & ipse Imperatorum Imperato-
ri pœnas dare cogeretur. Omnibus Pa-
pæ consilium approbantibus, illico viros
constituit, qui ipso absente Ecclesiam gu-
bernarent. Petrum Episcopum Portuen-
sem Vicarium suum esse iussit, additis
aliquot, qui eum adjuvarent, Cardinali-
bus. Hugonem Cardinalem Titulo SS.
Apostolorum Benevento præfecit, Nico-
lao Seni Cantorum curam commisit, Ro-
manæ Urbis præfecturam Petro, homini
nequam & indignissimo, qui hoc munus
invito Paschale Papa invaserat, confir-
mavit, sed Civitatis vexillum & custo-
diam Stephano Normanno amicorum fi-
dissimo & potentissimo tradidit.

Gelasius Papa prima die Septembris
 adhuc Romæ versabatur; quod dispici-
 mus ex Bulla data ad Walterum Archi-
 episcopum Ravennatem, qui ex Canoni-
 cis Regularibus evocatus omnium con-
 sensu invitatus electus fuerat, & a Papa
 consecratus. A tempore Guiberti hæc
 Ecclesia in Schismate remanserat, ab Epi-
 scopis, quos Imperator nominasset, oc-
 cupata; quare Pontifices Jurisdictioni
 Ravennatum Archiepiscoporum subtra-
 xerant

Sæcul. XII.
A.C. 1118. xerant Ecclesias Placentinam, Parmensem, Regiensem, & Bononiensem. In hac autem Bulla Gelasius Papa, ut reconciliationi cum Ecclesia Romana faveat, Ecclesiæ Ravennati jura sua in illas quatuor Ecclesias & in omnes ceteras, quæ in ea referuntur, restituit, & Waltero Pallium concedit.

§. LI.

Balduinus II. Rex Jerosolymæ.

Tyr. XI.
c. 29. Inter hæc Jerosolymæ Regi & Patriarchæ defunctis alii successerant. Anno superiore Balduinus Rex gravi morbo decumbens, cum nihil propius esse crederet, quam ut e mortali corpore evocaretur, ad rationem actuum suorum Deo Judici reddendam, a se dimisit Adelheidem, Siciliae Comitissam, quam ante triennium advocatam illicitis nuptiis sibi junxerat, habens uxorem legitimam Edeffæ luce fruentem. Arnulpho autem Patriarcha auctore Balduinus bonam decepit Principem; quo facinore sibi Regnoque suo immortale odium Comitis Rogerii, postea Siciliae Regis, Adelheidis expulsæ e primo toro filii, conciliavit. Anno sequente Regem Balduinum, in Ægypto Infidelibus arma inferentem, morbus iterum invasit, ex quo iter in Palæstinam relegens, extinctus est, anno Regni sui decimo octavo. Corpus ejus
Jero-